

Untuk pastikan kejayaan matlamat

Utamakan bangsa: Datuk Rahim

Bahan asal dari Arkib
Negara Malaysia



● DATUK SERI RAHIM

MASJID TANAH, Jumaat — Orang Melayu perlu mengutamakan kepentingan bangsa dan negara daripada kepentingan peribadi dalam perjuangan politik mereka, kata Ketua Menteri, Datuk Seri Abdul Rahim Tamby Chik.

Menurutnya, sikap itu penting bagi memastikan kejayaan dan pencapaian matlamat perjuangan membela nasib bangsa dan negara.

Berucap di majlis penerangan bagi wakil Umno cawangan Bahagian Alor Gajah di sini, petang ini, beliau berkata hanya dengan perpaduan orang Melayu melalui Umno, maruah dan

Oleh NAZAR ABDUL

kedudukan bangsa dapat diletakkan di tempat yang sewajarnya.

"Tidak ada gunanya kita bercakaran untuk memenuhi cita-cita politik peribadi sedangkan maruah bangsa tercemar," tegasnya.

Datuk Seri Rahim yang juga Ketua Perhubungan Umno Negeri berkata, setiap ahli Umno perlu berusaha mengukuhkan kedudukan parti supaya ia benar-benar mantap untuk menghadapi sebarang cabaran masa akan datang.

Menurutnya, adalah lebih baik se-

luruh masyarakat Melayu bersatu-padu melalui Umno dan meninggalkan segelintir manusia yang cuba mengejar cita-cita peribadi.

"Jika mereka benar-benar ikhlas untuk memperjuangkan nasib bangsa Melayu, eloklah mereka menyertai Umno dan memberi sumbangan untuk kebaikan," katanya.

Beliau berpendapat, orang Melayu perlu mengikut landasan yang betul bagi mencapai cita-cita dan hasrat bangsa.

"Hanya dengan sokongan dan perpaduan orang Melayu, terutama golongan akar umbi, cita-cita dan hasrat itu akan tercapai," katanya.